



Radunàza generala da l'URGC
23-3-2023, 20.00 uras, hotel Fravi, Andeer

Preschaints: 11 cumembers, 4 giasts
Parstgisas: Vincent Augustin, Cornelia Candreia, Gion Capeder, Pia Plaz ,
Marc Decurtins, Carola Derungs, Johann Clopath, Bartolome
Tscherner, David Truttman (pressa), Gianna Luzio, Rico
Michael, Carmen Dedual, Gianna Sonder, Petra Uffer, Leo
Thomann

1. Bagnvagnieu

La Gierina fa igl bagnvagnieu a tuts a spezialmeing a: Johannes Mani, Andreas Gabriel, Toni Poltera (par RTR), Martina Cantieni

La radunàza generala â liac ple bòld, parquegl ca nus lagn easser ple datier digl on da gestiùn.

2. Tscherner dumbvuschs

Patric Vincenz vean ligieu sco dumbvuschs.

3. Aprovar igl protocol da la davosa radunàza generala

Igl protocol e sen la pagina d'internet da l'URGC.

Igl dat nignas remartgas tigl protocol, el vean aprovo unanimameing.

4. Aprovar igl raport da gestiùn 2022

La Simona preligia igl raport. Igl raport vean publitgieu a la Revista digl noss Sulom a sen la pagina web.

Igls vaschinadis Surses a Muntogna da Schons valan tanor Ufezi da statistica betga ple sco rumantschs. Quegl â fatschando fetg l'URGC. La populaziùn samida, mo ella vut easser venavànt rumantscha. Quegl e igl fazit positiv c'â sado or da quells ambrugls.

La URGC â procuro par diferaints sustegns, translaziùns a lavurs pigl rumantsch igl davos on da gestiùn. La suprastànza e ear s'ocupada cun la nova cunvegna cun la Lia Rumantscha.

Igl dat nignas remartgas tigl raport da gestiùn, el vean aprovo unanimameing.

5. Aprovar igl rendaquent 2022 ad igl raport digls revisurs

Igl Flavio preschainta igl rendaquent. L'URGC â fatg egn minus da 14 000.-. La bilantscha da la Revista digl noss Sulom â egn minus da prest 9000.-.

Raport da revisiùn: Beat Jenal preligia igl raport da revisiùn a propona d'aprovar igl rendaquent, ca vean mano fetg bagn cugls documaints nezesaris a da moda survasevla.

Igl rendaquent 2022 vean aprovo unanimameing.

6. Elecziùns: Revisur ad actuar

La Giulia Riedhauser demissiunescha sco actuara. La Gierina angraztga par la lavur. La proposta pigl nov actuar e igl Mathias Kunfermann da Sched. Igl vean nign'otra proposta digls preschaints. El â gieu plascher da far l'impaginaziùn digl cudesch «Egn vieadi tras la Val Schons» a sainta c'igl rumàntsch interessescha el. El lavura sco fotograf. El purtass bugent aint daple pigl rumàntsch da Sched, Vuelden ad anzuma da la Tumleastga a da la Mantogna.

Mathias Kunfermann vean ligieu unanimameing an la suprastànza.

Adrian Farrer â demisssiuono igl 2022 sco revisur. La suprastànza propona Dino Bellini da Savognin. El lavura tier la banca Raiffeisen.

Dino Bellini vean ligieu unanimameing sco revisur.

7. Fixar igl program d'actividad 2023

Activitads Surmir:

-Ediziùn Revista digl noss Sulom. Tut vean adigna ple tgear mo igls abunamaints restan. Igl dovra tscheartas midadas. Romano Plaz apelescha da betga spargnear tier igls redactors ad igls auturs digls artetgels agl Sulom, parquegl ca scriver texts e ear promoziùn digl rumantsch.

-Giubileum Peder Cadotsch 100 ons: La suprastànza e an contact cun la biblioteca a Savognin par vurdar da far anzatge. L'URGC e ear leada par inputs ad ideias dad oters.

-La suprastànza stat anavànt an contact cun la Lia a cugls cumegns par c'igl ufezi da statistica midi lur definiziùn d'egna vischnànca rumantscha. Andreas Gabriel, igl secretari ad interim da la LR, declara co igl â savieu vagnir a quella situaziùn an Surses/Muntogna da Schons: Igl e vagnieu dumando tscheartas parsùnas an las regiùns, scha lur lungtg prinzipal segi rumantsch near tudestg. Igl e pussevel da dar aint rumantsch a tudestg a quegl magna tier zefras c'en greavas dad interpretar. Nus

savagn betg acceptar, c'igls teritoris en ussa tudestgs parve da quellaz zefras.

Andreas Gabriel â reclamo igl amprem gi. Igl cantùn Grischùn â ear reclamo. Tge vean ussa fatg? Ufezi da statistica defenda sia practica. Els dastgan dantànt betga surprender igl comando. Igl cantùns en raspunsavels a defineschan igls teritoris. La discussiùn e ànc betg a fejn. Ussa e igl Stefan Engler landervei a tut igls ufezis ston raspunder. La veia savess easser dira a l'unga mo clera an tge direcziùn c'igl sto ir. La Lia â egn project c'â num «Rumàntsch dapertut».

-Igl rumàntsch an scolas rumàntschas vean sustanieu, là noua c'igl vean giavischo a là noua c'el vean amblido.

-An la Sutselva vignan tut las activitads elavuradas an cunlavor cun la promotura Martina Cantieni a savens ear cugl Gian-Marco Beeli c'e suprastànt da la l'Uniùn Sutselva rumàntscha USr.

-Program par unfànts da (pre)scoleta: A Ziràn dat igl 20 unfànts an scoleta. L'ideia e da vurdar c'anzatgi sustegna la mussadra cun que program.

-Agl on nov fuss igl bi, sch'igl dess puspe egn la tarmagliera rumàntscha a Donat. Ella vagness sutanida finanziameing da la URGC.

-Scolas rumàntschas: Co vagnagn nus a saver angaschar parsùnas rumàntschas an las nossas scolas? Quella dumonda vean a fatschantar nus agl proxim tains.

-Lectura sutsilvana: Igl cudesch Sempverd da la Simona Demarmels ad Anna Negrini e vagnieu translato an sutsilvan. La preschantaziùn vean aver liac la parmavera near igl atun 23. Egn vieadi tras la Val Schons vean reedieu. Agl archiv da Cunter â'gl prest nigns cudeschs sutsilvans ple, igl e da vurdar noua ca quels en vagnieus vei near sch'i en exausts.

-Cunlavor cun la Libraria Kunfermann an conex cun la vendita da cudeschs da l'URGC. Cudeschs rumàntschs da la LR a da la URGC (anteriuras ediziùns da la URS a da la Renania) san ign cumprar tier Buachlada Kunfermann. Egn bün exaimpel da literatura an tut idioms e igl cudesch 5 idioms 5 dunnas da Denise Mützenberg. Là en aint poeseias da la Martina Cantieni. A da Dominique Caglia-Dosch. Nus sustanagn l'organisaziùn da la nova ediziùn digl cudesch da la Puntcrap ca vean edieu questa stad da la USr an sutsilvan ad angles. Igl vean a dar egn dumonda par sustegn finanziel.

-Quotidiana: La Muntogna da Schons paja a mintgegn la Quotidiana digl margis. Tgi scriva agl futur par la Quotidiana? An quella dumonda e'gl da s'angaschar anavànt.

-Promover igl rumàntsch an la Tumleatga a Mantogna (evtl. gi da famiglias).

Igl program vean aprovo unanimameing.

8. Aprovar igl preventiv 2023

Igl Favio preschainta igl preventiv 2023.

Remartas: nignas

Aprovo unanimameing

9. Fixar las contribuziùns anualas 2023

Proposta: mantaner 30.- par singuls a 50.- par peers.

Igls cumegns pajan 1 frànc par abitànt.

Aprovo unanimameing

Proposta: Ear amparar a las vischnàncas da la Mantogna a la Tumleastga.

10. Varia

Martina Cantieni: Regal da las uniùns rumàntschas anzemel cun la Lia, tut igls unfànts novnaschieus da cumegns rumàntschs survignan egnà tgarta ad egn cudeschet. Uon vean puspe scret par la plema d'or.

Toni Poltera: Alvaschein â egn nov zenter cultural, la pagina d'internet e tut par tudestg. Mirco Baselgia vean contacto par motivar quella grupa dad ear far parts par rumàntsch.

Andeer, Marz 2023

Giulia Riedhauser